



Aqqalu C. Jerimiassen
Atassut

UPA 2026/38-1
29. april 2026

Ilageeqarneq pillugu Inatsisartut inatsisaata allanngortinneqarnera pillugu Inatsisartut inatsisaat

(Ilinniartitaanermut, Kultureqarnermut Timersornermut Ilageeqarnermullu Naalakkersuisoq)

Aallarniutigalugu Atassummiit qutsavigerusuppagut Naalakkersuisut allannguutissamik siunnersuummik suliaqarsimanerannut ilageeqarneq pillugu inatsisartut inatsisaannik.

Oqaluffiit immikkuullarissumik Nunatsinni inuiaqatigiinnut pingaaruteqartuupput, suliffeqarfittuinnaangittoq, naleqartitatsinnik tigumminnuupput, ileqqutsinnik aammalu ataatsimoorfitsinnik. Inuppassuarnut oqaluffiit eqqissinermik ujartuiffiusarput, sammiviusarlutik inuunermullu attuumassuteqarfiusarlutik. Taamaattumik pingaaruteqarpoq inatsiseqarneq piffimmi ataqqinnittuussasoq aammalu ajunngittumik inatsit atuutissasoq.

Atassummiit siunnersuut ataatsimut isigalungu ilalernartipparput, ingammik atorfinitsisarnermut aammalu soraarsitsisarnermut palasinut, provstinut aammalu domprovstinut piginnaatitsissut biskoppimut nuunniarneqarnera. Tamanna oqaluffiit nukittorsarnissaannut nammineernerulernissaannullu isumannaarinnittuussaaq aammalu ilutigisaanik oqaluffiit iluminni akisussaaffeqarnerullutik aalajangiisinaanerulissallutik.

Saniatingut taamannak allannguineq allaffissornikkut sunniuteqassaaq eqaannerusumik pilertornerusumillu ingerlatsisinnaanermik, aalajagiinerillu qaninnerusumik ulluinnarni oqaluffimmi ingerlalissallutik. Tamanna Atassummiit tunngaviatigut akisussaaffeqarnertut isigaarput, suliffeqarfiullu ataqqineqarluni namminiussuseqarsinnaaneratulut.

Atassummiit pingaarutilittut isigaarput llagiit sinniisaat sunniuteqarlutik sulinerminni nangittumik ingerlaannarnissaat. Sineriatsinni isorartuumi innuttaasut sumiiffimminni isumaat pingaaruteqartarmata. Pingaartuuvorlu llagiit sinniisaasa tusarniarneqarlutik peqataatinneqarlutik atorfinitsisarnermi ingerlaannarnissaat. Oqaluffiit qitiusumiik aqqissugaanginnaratik aammali inoqarfinniit peqataaffigineqarniassammata.

Pitsaasutut isigaarput palasit allaffissornikkut oqilisaaffigineqarnissaat, aammalu nukittorsaasoqarniarnera ilinniartitseqqiisarnikkut. Tamanna piffissaqarnerulersitsissaaq palasit suliaannut allanut pingaarutilinnut soorlu inunnut oqaloqatiginnittarnernut, suliassanullu pitsaasumik naammassisassanut allanut.

Naggasiullugu Atassummiit siunnersuutigiumavarput, allannguineq matumani mianeralugu inuiaqatigiinnut ingerlanneqarnissaa kaammattuutigerusukkatsigu. Oqaluffik



kiffaangissuseqassaaq inuiaqatigiinniilli peqataaffigineqassalluni. Siunnersuut ammaffigaarput malinnaffigiumaarparpullu.

Naggasiullugu Atassummit siunnersuut taperserparput ataatsimiititaliamullu suliarineqarnissaa innersuullugu.

Qujanaq.